

布施已是心設不生悔而逐彼後者憂不憂等皆名追悔滅滅福報今罪增長若不發露於佛覆藏而翻彼善說爲罪性復次於彼罪惱行懺除者由此無罪而獲福喜

論曰利益衆生者不以財利之心而爲發露

如寶雲經說譬如藥王而自讚已德不爲過失復說欲守護福者於名聞利養菩薩常當遠離高舉以清淨法捨愚癡暗

大乘集菩薩學論卷第九

大乘集菩薩學論卷第十

法稱菩薩造

宋西天三藏朝散大夫試鴻臚少卿宣梵大師昌黎等奉詔譯

護受用福品第七之二

寶積經云佛言迦葉波若菩薩具此四法則未生善法令滅已生善法亦不增長何等爲四謂於世間深著過慢巧構言辭耽著利養樂觀種姓嫌讚菩薩於未說未聞契經而輒生誹謗又說一功有部云如是髮毛爪塔及諸身分見已淨信發恭敬心是大德比丘比

丘尼等從此地面下過八萬四千踰繕那至
金輪際是比丘所有若干沙數千倍轉輪聖

王受用福報乃至具壽優波離向如來前合
掌恭敬而白佛言世尊若佛所說是比丘善
根如是廣大世尊云何有是善根言汝於此
尚能散滅佛言優波離謂忍此動亂而隨彼
見如彼梵行而親梵行優波離由斯善根亦
復廣大然汝於此尚能散滅優波離是故當
如是學又若積薪所焚心可無壞況彼識身
等文殊神變經云所對害者謂百劫中積修

其善有所減失說爲對害華嚴經說普衆
生妙德夜神因緣如前已說

論曰當於是時互相誹謗增不善本減失壽
量色力安隱悉皆減少無有少分示饒益者
唯說追求名聞利養作高舉事如寶雲經說

佛言善男子菩薩得珍寶聚量若須彌而取
彼施或得弊陋之物亦取彼施所以者何彼
如是思惟由此衆生慳貪嫉妒惜自他物而
常鬪諍以是因緣處生死海之所沉溺我欲
於彼令長夜中利益安樂故受彼施然竟不

作已有亦復不起貪著之心唯爲供養諸佛
法僧亦復轉施一切衆生如貧苦者得活身
命亦令施者極生歡喜具如彼說得施無惱
慢彼復又云設有人來以施因緣歌頌稱讚
是人不生高舉逮無惱慢又若於我歌頌稱
讚謂起即滅非久如間設使再三於諸時處
歌頌稱讚當生何智謂諸法無常無住無強
無力今心卑下勿生高舉逮無惱慢如是菩
薩於名聞利養歌頌稱讚等事悉住正念彼
復又云譬若旃陀羅子遊行世間卑下其意

得離惱慢隨所住已生乞食想復如彼說善
男子一者菩薩若捨家出家爲諸親眷朋屬
之所棄捨猶若死屍以是因緣摧伏我慢二
者已毀形好披壞色衣身貌異俗以是因緣
摧伏我慢三者剃除鬚髮手持應器於親非
親遊行乞食以是因緣摧伏我慢四者如旃
陀羅子卑下其心遊行乞食以是因緣摧伏
我慢五者由乞食故得遂生成爲他繫屬以
是因緣摧伏我慢六者雖爲他毀爲乞食故
亦受彼施以是因緣摧伏我慢七者尊重供

獻阿闍黎等以是因緣摧伏我慢八者行住威儀安詳平正令梵行者見已歡喜以是因緣摧伏我慢九者於諸佛法所未得者願此當得以是因緣摧伏我慢十者於瞋忿心有情之中多行忍辱以是因緣摧伏我慢又海意經云若菩薩得身清淨具相莊嚴手足柔軟殊妙可愛成福生身諸根不減身分圓滿然於形好亦無醉慾不以嚴身而來觸樂若諸衆生種種色相菩薩爾時爲求法故謙下恭敬彼經又云譬如大海處地卑下所有一

切江河及諸細流速疾趣入世尊菩薩敬重師尊心不高舉亦復如是一切甚深法門及微細善於其耳根速疾趣入世尊是故菩薩安住正念若高舉我慢不重師尊亦不恭敬禮拜當知菩薩是爲魔鈎所制又如出世間品云佛言佛子菩薩有十種魔事何等爲十者於和尚阿闍黎父母沙門婆羅門住於正行向正道者不起尊重是爲魔事二者謂諸法師說殊勝法說廣大法於大乘中知涅槃道及餘契經得總持王無有休息然於法

師不起尊重及於所聞不作善巧是爲魔事三者然於會中聞說大法於法師所不樂讚美況起淨信是爲魔事四者好起過慢自執已見陵蔑他人固知已短心無揀擇是爲魔事五者好起過慢自無知覺於阿羅漢補特伽羅隱蔽覆藏他實有德謂不如己應讚不讚是爲魔事六者了知是法是律真爲佛語爲嫌其人頗嫌其法謗正法已於別受持是爲魔事七者自求高座謂言我行道法不應親近執事於他久修梵行大德者舊不起承

迎是爲魔事八者貌不溫恭復多顰蹙言極齷齪心伺過惡是爲魔事九者由增上慢喜調戲故不親有德不生恭敬亦不諮問何者是善何者不善何者應作何者不應作又何所作於長夜中而得安樂利益又何所作於長夜中而不能得安樂利益第七冥頑狠爲慢所持不明出要是爲魔事十者由慢所覆設過佛出亦復遠離壞夙善根竟無新起說不應說多起鬭諍謂此法行返爲是處墮大邪惡於菩提心根力聖財斯不可得百千劫中

常不值佛況復聞法是爲十種魔事佛言佛子菩薩捨此十種魔事得十種智業

論曰此中智業者說善住化度一切衆生等護國經云彼人墮蔑戾車罪惡邊地貧賤中生聾盲闇鈍而無威德親近愚蒙執著我慢又如法集經說謂諸菩薩欲取佛土者即衆生土是爲佛土由是得諸佛法不壞正行謂諸善行惡行無不依止衆生而轉故惡行者依罪惡起彼善行者依人天等寶光明陀羅尼經云佛言佛子此初發心菩薩先於一切

衆生發十種心何等爲十所謂利益心安樂心憐愍心潤澤心愛樂心攝取心守護心平等心教授心稱讚心是十種發心爲若此入解信力財印經云我已得住一切衆生作弟子者亦令他住一切衆生作弟子故俱獲安隱以要言之我已先住恭敬禮拜^{禮五}亦化一切衆生當住恭敬禮拜又如維摩詰所說經云若樂說世間清淨無難故則隨所化調伏一切有情來生淨佛國土

論曰若踞座洗足思惟應何所作愛樂尊重

等事故華嚴經云爾時有王名法音蓋於大衆中處師子座有諸人衆一時合掌住立其前如是恭敬爲王作禮乃至爾時法音蓋王見諸乞者生大歡喜具大悲愍假使三千界內俱爲轉輪聖王經無數劫所得妙樂過於前說乃至淨居天王於無際劫行寂靜解脫門亦過前說善男子譬若有人唯行愛育父母兄弟姊妹朋屬男女妻妾時久乖離後於曠野欵然值遇更相慰問極生愛重瞻視無厭善男子此法音蓋王亦復如是見來乞者

具大愛樂心生喜樂發起最上大希有心乃至於諸乞者生一子想生父母想生福田想善知識想堅固力想極難得想難行能行想多作想最上成辦想近住菩提道想阿闍黎教誠想如其來者知衆生性之所承事平等無礙一切捨施設棄己身如其所欲復次選地清淨塗拭莊嚴捨自利樂等

論曰若乃主者淨信則侍從等亦當淨信教令具足饒益應如是作意向來比丘身有疾病昔佛世尊尚爲承事如比丘雜誦律云佛

言佛子汝勿嫌棄是病比丘我於比丘中尊
尚爲承事持此病比丘衣乃至洗鹽如是言
已時具壽阿難陀白佛言世尊如來勿應洗
此病比丘衣覆不淨故我當爲洗佛告阿難
汝應洗此病比丘衣如來當以親手盥水爾
時具壽阿難陀於病者比丘爲浣彼衣如來
後當獲出離
汝廣大承事濟度生歡喜爲憂苦損惱
捨離於衆生若人此淨信成就良福田
所有世間中非餘衆生類譬如如意賢餅
欲憊醇乳汁尊重彼天言是故生恭敬
亦如新婦法承事無暫捨救無量衆生
置衆生譬如一心故無動設墮阿鼻獄
若今造當造諸廣大度門修行如是善
自我爲主宰我義不可得於彼彼造作
不爲慢所使喜樂淨諸根若故入煩惱
言

汝廣大承事濟度生歡喜爲憂苦損惱
捨離於衆生若人此淨信成就良福田
所有世間中非餘衆生類譬如如意賢餅
欲憊醇乳汁尊重彼天言是故生恭敬
亦如新婦法承事無暫捨救無量衆生
置衆生譬如一心故無動設墮阿鼻獄
若今造當造諸廣大度門修行如是善
自我爲主宰我義不可得於彼彼造作
不爲慢所使喜樂淨諸根若故入煩惱

由吾默諸根 為作斯化度 衆生若在苦
舉身如燄然 於諸欲悅意 有方便憐愍
愍諸造苦者 故我求是苦 若倦於忍默
如罪當懺悔 設於世尊所 頑足俱散壞
我捨諸世間 承事如來故 我造諸衆生
憐愍無疑惑 見如是等人 由何不尊敬
我親事如來 至成於自利 爲除世間苦
願長觀衆生 假若一強人 權壞於大眾
一一如王力 況無如是威 何容行酷罰

設逢暴主時 治官獄卒等 力行悲愍心
極濟於群有 極怒何所爲 寧同地獄苦
若惱逼衆生 造此亦當受 大喜何所施
汝後當作佛 出濟諸衆生 造此亦當受
現住稱讚者 巍昂清淨身 及壽量長遠
逮得生死忍 轉輪王妙樂 若慈心供養
名大身衆生 以佛淨福報 爲佛大身者
論曰修慈心觀如月燈經云乃至供養無量
無數百千萬億不可稱量歌羅頻婆羅等諸

佛刹土如是供養已不如以一慈心如是次第供養恭敬常得遠離高舉不如理作意

論曰一心人解是事如寶雲經說善男子云

何菩薩不如理作意爲是菩薩獨處閑靜住無雜亂發如是心我由獨處閑靜住無雜亂

故唯我能順如來法律汝諸沙門婆羅門等皆住雜亂於輪迴行多所耽著不能隨順如

來法律是爲菩薩得不如理作意彼經復說菩薩起精進時於此精進不拒教誨謂不自矜己德亦不陵蔑他人如是名爲善慧發生

然於自所修習亦求他誨如是菩薩得謙下精進

論曰已略說此護受用福若回向菩提如無盡意經云佛言舍利子若人以少善根迴向菩提乃至坐菩提場終無散滅譬如一滴之水墮大海中乃至住劫邊際終無散滅

清淨品第八之一

論曰護身等說有三種清淨今當說是義云何謂已身受用清淨俱獲安隱若人於身示現淨飲食成熟正等菩提如秘密大乘經云

復次菩薩於大城邑大塲廣間以無數百千衆生充滿其中而菩薩摩訶薩示死滅相現旁生趣大身衆生乃至令食身肉於命終時得生天界及餘善趣以是因緣乃至最後入於涅槃所謂菩薩宿願清淨於此長夜酬其宿願作利益事臨命終時令食身肉以是因緣得生天界乃至最後入於涅槃謂若成就持戒成就思惟成就希求宿願如是彼經復說現法身光爲諸衆生作利益事寂慧當知譬如活命醫王集諸妙藥擣篩和合成女人

相殊妙端正人所樂見而善安立施作等事行住坐卧如其分別諸有國王王子大臣官長長者居士而或來詣活命醫王時彼妙藥所成女人相與給侍由給侍故一切輕安得無病惱佛言寂慧汝且觀是活命醫王深植妙樂除世間病然餘醫師無有是智寂慧現土身光菩薩亦復如是乃至男子女人童男童女及餘衆生爲貪瞋癡徧觸其身熾然燒煮若彈指頃一切煩惱遠離燒煮身獲輕安所謂菩薩宿願極清淨故

論曰已身清淨義者譬如苗稼爲草所覆而不滋茂是菩提芽爲煩惱覆亦不增勝若不行對治思惟慚求何容解脫令彼增長汝諸世間一心伺察罪業清淨則身器清淨說爲

正覺復次罪清淨者四法經云佛言慈氏若

菩薩摩訶薩成就四法滅先所造久積過罪

何等爲四所謂悔過行對治行制止力依止

力復次悔過行者於不善業行多所改悔二

對治行者謂造不善業已極爲善業及餘利益

之所對待三制止力者由讀誦禁戒得無

毀犯四依止力者謂歸依佛法僧寶亦不棄捨菩提之心由能依止是力決定滅彼罪等佛言慈氏是爲菩薩摩訶薩成就四法滅先所造久積過罪

大乘集菩薩學論卷第十

音釋

識	五	何	澡	子皓	刀	鹽	古	玩	切	妙	息淺	切	登
普	切												
捺	七	易	幕	莫歷	弭	禰	尼	貨					
呂	角	記	莫	歷	弭	禰	尼	貨					
涙	夾												
紇	波												
蛇	陟												
顰	娘												
蹙	糾												

憂子
六切歛許勿
忽也 切 醇常倫上 劍

永樂北藏

大乘集菩薩學論

第一二五冊